

Plan gubernamental di partido HTC 2021



Reformacion Fiscal y finansas:

1. TIA(Technologia Innovativo Aruba); ta un systema moderno cu lo percura pa reforma nos sistema cu actualmente ta anticua. Asina aki mayoria tasa di impuesto lo cay bou di un solo dak. Esaki ta trece un mihor control den sistema fiscal pa cu diferente departamentonan, e.o. policial, ontvanger, SVB y CBA.
2. Restructuracion y refinanciamiento di nos debenan actual.
3. Invoerrechten lo wordo reduci gradualmente dependiendo den cua grupo di tarifa e productonan ta cay.
4. Lo cambia e systema di BBO/BAZV, esaki lo wordo exigi pa aparece bek riba recibo pa un mihor control y proteccion dje consumidor. Lo exigi tur negoshi/commerciante pa entrega tur final report di e benta completo na momento di pago di e impuesto aki na SIAD.
5. Partido HTC lo bin cu un proyecto cu yama B.S.C. (Business Support Coordinator), cu lo juda negoshi nan cu tin problema financiero y guia nan.
6. Lo bin cu un Aruba Website of Transparent (AWT) na unda cu lo introduci un sistema cu pueblo por mira tur informacion di tur transacion publico di gobierno cu wordo haci na Aruba.
7. Partido HTC lo percura pa auto-matisa tur proceso cu ta encera nos sector di fiscal y finansas, Partido HTC lo re-evalua e tabla nan di fiscal y ahusta esaki conforme nos ingreso nan nacional. Esaki lo duna espacio pa tur esnan cu ta bin na remarca pa restitucion, haya esaki inmediatamente paga.

Laboral:

8. Orario di trabou di sector publico y priva lo wordo reduci di 8 ora pa 7 ora pa dia.
9. Lo zorg pa re-evalua tur pago di salario di tur tipo di trabou y funcion(salaris schalering). esaki pa motibo cu tin hopi abuso den pago di salario y lo combati “cheap labor”.
10. Ora doño di trabou hasi peticion pa permiso pa trece un trahador di afo, DPL lo percura pa haci sondeo den e mercado laboral prome pa un trahador local pa dicho funcion prome cu otorga permiso.
11. Lo cambia e ley caminda tur doño di trabou lo percura pa su trahadornan cu tin yui haja kindertoelage. Lo ahusta e sumanan actualmente abase di e index cijfers di CBS.
12. Lo bin cu un mocion pa subi e dianan di vakantie cu 1 ½ dia extra pa luna.
13. Terminacion di contracto laboral ta bai bira 1 luna di salario pa cada año di servicio.
14. Lo introduci un aumento di 15% riba salario cada pasa 6 año di servicio.
15. Lo reforma DAO pa tur proceso nan laboral wordo atendi corectamente y eficientemente.

16. Reformaton salarial: Partido HTC lo bay inverti den nos economia local. Partido HTC ta kere riba un formacion salarial pa un y tur. Ta tene na cuenta riba e sector priva y sector publico. Partido HTC lo percursa pa subi tur salario gradualmente cu 10% y despues di 3 anja un otro 10%, teniendo na cuenta cu e inflacion. Pa empresa chikito lo tin pakete fiscal cla pa aplica subsidio substancial riba e aspecto di winstbelasting. Partido HTC a splica caba riba e aspecto di reformaton fiscal cu lo beneficia nos pueblo di Aruba.

Social y Deporte:

17. Cobertura salarial den caso di emergencia manera retiro di trabou inespera of un posibel pandemia.
18. Reestructura e parti di onderstand, haci evaluacion medico di nobo y abase di esaki wak kende si por traha par di ora pa dia na diferente facilidadnan di gobierno(no ambtenaar) y juda esnan cu si por traha, pa haya un trabou den comunidad.
19. Derecho igual di voogd na ambos mayor foi nacemento di un yui.
20. Reestructuracion di e systema completo di rehabilitacion di adictonan ambulante (programanan efectivo, trahadornan capacita, edificionan y materialnan modernisa necesario).
21. Reestructura departamento di huurcommisie. Mihor control riba prijsnan abusivo di huur y e responsabilidnan di ambos inquilino y inquilino.
22. Lo cambia e totalidad di dia di paterno di 2 dia pa e tata ta presente serca di su señora na momento di parto pa 9 dia total.
23. Lo crea un departamento BCFA(Bureau Control di Fundacion di Aruba) na unda tur fundacion lo wordo registra hunto cu nan plan di trabou. E fundacionan cu mas di 6 año di existencia lo por bin na remarca pa un guia di coaching pa cu su maneho financiero y alaves e lo por ricibi subsidio necesario.
24. Alimentacion y responsabilidad mutuo di ambos mayor riba e muchanan. Trahamento “zwart” lo no ta posibel paso ley lo persigui e mayor cu ta core pa su responsabilidad. Den e caso aki lo tin diferente forma di castigo. Den caso di divorcio ambos mayornan ta haya voogd riba e muchanan.
25. Partido HTC lo percursa pa duna subsidio den e seccion di deporte. Lo organisa tur año diferente competencia den areanan deportivo manera futbol, basebal, basketbal, voley etc.
26. Partido HTC lo crea un plataforma entrepreneur social plan cu lo duna oportunidad na hoben nan cu kier labora na un edad hoben y kier cuminsa haya un poco entrada dor di cuminsa cu innovacion ta parti di nos comunidad di pais Aruba.
27. Partido HTC lo percursa pa amplifica e departamento di Respaldo. Esaki invertiendo den mas specialisacion y aloca fondonnan disponibel pa mas psicologo y psiquiaternan. Lo percursa pa tur materialnan y experticionan necesario pa cu esaki y lo cunsa inverti den 2 edificio extra, 1 den centro di Aruba y e otro na San Nicolas. Salud mental ta partido HTC su prioridad.

Pensioen:

28. Reforma e pensioen di esnan cu ta cobrando onderstand y bijstand actualmente. Esaki mirando cu nan suma di pensioen ta hopi abou.
29. Partido HTC cohuntamente cu team di experto lo haci analisisnan pa wak con por reforma e plan di pensioen na un manera mas eficiente pa comunidad. Lo recalcula e suma di pensioen teniendo na cuenta cue costo actual di bida(index) y alaves lo evalua edad di pensioen y lo baha esaki tambe.
30. Partido HTC lo bin cu un plan activo y colectivo y laga tur hendenan paga un pre-pensioen. Pa esnan cu no tin e recurso akinan pa paga e pre-pensioen akinan, lo por hasi un aplicashon pa haya subsidio di gobierno. Cu boso confiansa lo percursa pa por aloca un fondo specialmente pa esnan cu tin menos recurso pa paga e pre-pensioen aki.

Arte, Cultura y Musica:

31. Partido HTC lo percursa pa crea diferente formanan (mercadeo, instancianan, localidad nan) pa juda nos artistanan local pa cu e benta y of exposicion di nan arte y of musica. Tambe lo ofrece e posibilidad pa haya subsidio mientras cue artista of musico ta creciendo den nan carera.
32. Lo percursa pa inverti mas den nos cultura y alaves usa methodo y medio nan pa conserva y protega nos cultura incluyendo e parti indigena di Aruba.

Enseñansa:

33. Partido HTC lo estructura e enseñansa di tal forma cu tur diploma lo haya su reconocimiento y accreditation internacional.
34. Tambe lo ofrece e opcion di “kwijtschelding di Arubaanse studielening” pa un parti di nan educacion, na studiantenan cua termina nan studio na Universidadnan den exterior, cu ta desea di bolbe Aruba pa eherce nan funcion cue condicion cu lo labora pa un tempo defini.
35. Invercionan moderno den mihor educacion pa nos muchanan den tur nivel, basis school, mavo, mbo, havo/vwo y universidad(hbo). Lo bin cu Universidadnan practico cu mas di 65 facultad acredita y reconoci internacionalmente. Paso actualmente ni Colegio Arubano no ta reconoci na ningun pais afo, incluyendo Hulanda y Merca.
36. Lo percursa pa tur maestro sigui haya tayer mas avansa riba cambionan den enseñansa. Plus lo brinda e docentenan personal coaching pa judanan den nan propio momentonan dificil. Salud mental di nos docentenan ta un prioridad.
37. Mas sociale werkster disponibel na cada skol.
38. Pa caba cu problematico riba tereno di skol, entre otro bullying y bringamento, lo introduci un social educational platform como vak.
39. HTC lo bin cu un centro cu lo hiba e nomber S.C.(Siña Cumi), caminda lo tin trahadornan profesional “life coaches” y demas otro funcionan, na unda tur mayor

cohuntamente cu e yui lo por acudi na e programacion, cada 3 luna pa asina ey ricibi tur e ajudo y guia necesario durante e yui su crecemento y trayectoria na skol.

40. Tur estudiante cu studia na y gradua na Universidad di Aruba no mester paga bek nan fianza tanten cu lo nan lo drenta e local laboral di Aruba.

Husticia y Polis:

41. Lo reforma varios di nos leyman anticua.
42. Tur polis cu abusa di su poder na cualkier forma of actua contra ley lo tin consecuencia pa su persona y lo ricibi castigo disciplinario/penal conforme e grado di infraccion di ley.
43. Partido HTC lo funda un corte di derecho(rechtswinkel) pa casonan civil di por ehempel difamashon, negligencia medico etc.
44. Kia lo wordo renoba y restructura completamente y lo bira e prizon manera debe ser pa delitonan grave. Lo construi un instituto di correction cu programa disciplinario apart pa e hoben nan y esnan cu comete delitonan menos grave. Lo manda e trahadornan diferente cursonan necesario pa cu nan funcion.
45. Lo restaura tur edificio di KPA y zorg pa tur materialnan necesario ta disponibel pa brinda e pueblo e proteccion y servicio debidamente.
46. Tur vehiculo policial lo ricibi instalacion di camara pa mihor seguridad y transparencia.
47. Pedofielnan lo wordo registra den un database publicamente, pa tur hende ta alerta. Tambe como castigo tur pedofiel lo wordo castra, sterilisa y lo ricibi minimo 40 aña sera. (trece cambio den leyman)
48. Pa casonan di atraco, fraude, matamento, abuso domestico y otro casonan grave lo aumenta e añanan di castigo cu minimo 40 aña. Den casonan di corrupcion politico, esnan involvi lo ricibi minimo 25 aña dependiendo di e grado dje caso y lo tin cu paga Land Aruba e placa bek mas e boet. Esaki lo encera beslag di tur propiedad, negoshi y cuentanan bancario local y offshore(persecucion via Interpool). Lo introduci un sub-departamento bou di encargo di e polis di trafico actual, cu lo facilita tur trabounan pa un mihor control riba caya.
49. GNC y KIA lo haya un edificio ful nobo.

Technologie y comunicacion:

50. Lo percura pa tur estudiante tin acceso na free wifi y tambe na lugarnan publico den diferente distrito rond di Aruba.
51. Lo introduci borchinan di propaganda digital canto di caminda, cu gobierno lo por huur na negoshi, instancianan of personanan individual priva, y esaki lo genera entrada extra pa e caha di gobierno.
52. Tur prensa/noticiero di Aruba cu tin mas di 10 aña legalmente di existencia, conforme regla y leyman di Aruba, lo ricibi un radio di polis(pa por skucha) y lo haya autoridad(permiso) pa filma tur encuentronan diario den parlamento. Esaki pa evita mal informacion na comunidad(fake news) caminda lo crea un departamento cu lo ta encarga cue control aki. Transparencia ta un prioridad.
53. Partido HTC lo introduci un sistema na tur tienda cu kier trece inovacion y lo por haya tayer tambe riba dje. E sistema aki yama "Sensei technology" cu ta un sistema cu lo por yuda comerciante nan cu kier logra trece inovacion den nan compania.

Economia:

54. HTC lo bai dialoga pa jega na un percentage abou di interes di hipoteca cue banconan local, pa asina aki tur ciudadano cu tin un entrada abou, por logra jega na nan propio cas.
55. Bin cu un parke di atracion na San Nicolas pa asina aki nos localnan y turistanan por disfruta den ceno familiar.
56. Partido HTC tin un plan economico pa e pueblo di San Nicolas, y generalmente pa e pueblo di nos pais Aruba. Partido HTC, no ta kere mas riba e aspecto di refinaria. E proceso industrial aki ta asina anticua cu lo costa caulkier interesado hopi placa pa por logra cu esaki funciona atrobe. Partido HTC ta kere den un desmantelacion di e refinaria, creando cupo di trabou nan, pa asina procesa e hero bieu nan y bende nan riba mercado nan internacional. Partido HTC, lo percursa pa tin un re-alocacion di diferente industria nan riba e aspecto nan di informatica comunicativo y tambe riba e aspecto di red nan satellite. Loke Partido HTC ta referi su mes ta cu lo negocia cu partido nan internacional cu ta specialisa riba e materia aki pa conclui diseño nan y pa e componente nan wordo asamblea aki na Aruba. Partido HTC ta duna un ehemplo como NASA of ESA. Esaki ta significa un reformacion sano y digno pa nos pueblo di San Nicolas.
57. Proteccion di Canasta Basico, Partido HTC lo percursa pa sigui salvaguardia e actual canasta basico y asta re-evalua un posibel ampliacion di esaki. Partido HTC, ta pensa di introduci e siguiente prima nan necesario ora ta trata di alimento nan di un criatura. Ta trata di e siguiente alimento nan: pampers, lechi, baby fruit, y wipes. Partido HTC, tin cierto calculo nan haci riba e gasto total aki, referiendo riba e producto nan menciona. Partido HTC ta di opinion cu tur esnan cu a bira mama y tata lo por wordo subsidia riba e aspecto nan aki. E subsidio aki lo por forma parti di nos gobierno y conhuntamente cu instancia nan social. Reflehando riba rode kruis, wit gele kruis, famia plania y instancia nan hulandes.
58. Partido HTC lo percursa tambe pa e departamento cu ta controla prijsnan di consumidor eherce nan trabou debidamente y aloca e materialnan necesario pa por cumpli cu nan trabou.

Agricultura, Cria y Pesca:

59. Lo introduci educacion y practica di sembramento como vak na skol basico, mavo y havo, pa asina aki stimula nos muchanan riba e importancia di alimento propio.
60. Lo duna permiso pa tur cas construi un regenbak y lo concientisa pueblo pa sembramento na cas. Lo duna programan educativo con pa recyclear awa di por ehempel douche di banja, labamano, airco y di wasmachin pa usa esaki pa e cultivo. Hunto cu Santa Rosa (DLVV) lo zorg pa tur cas haja e piskanan manera tilapia pa benta den regenbak y departamento di GKMB(Servicio directie volksgezondheid Aruba) lo hasi su debido controlnan.
61. Lo percursa pa ehecuta projectonan caminda lo involucra Santa Rosa y compania priva pa sembra mas berdura cu fruta, pa asina por brinda pueblo cosecha na un prijs pagable. Y esaki lo percursa alavez pa crea mas cuponan di trabou pa nos propio hendenan.

62. Partido HTC lo percursa pa tur esnan cu ta practica y eherce agricultura di tur sorto di manera, pa por aplica pa un fondo subsidiario.

Convivencia di nos comunidad Arubano:

63. Partido HTC, lo keda reserva cu su pensamiento nan relaciona cu e Convivencia riba e mesun sexo, esta igualdad. Atrobe Partido HTC ta un Partido cu mente habri, pero tambe ta aplica e articulo 1 di nos grondwet. Partido HTC no lo core pa debate of deliberacion nan al respecto, pero si lo consulta cu pueblo.

Flora, fauna y medio ambiente:

64. Partido HTC lo percursa pa reinforza leynan pa protega mas areanan posibel cu no ta habita y pa evita cu tereno nan grandi, incluyendo den areanan protegi, wordo otorga pa construcion di cas, edificio of condominionan. Ta nos deber pa salvaguardia nos tereno nan Indigena.
65. Lo percursa pa controlnan mas severo door di departamento di Serlimar cohuntamente cu City Inspector. Cualquier ciudadano cu wordo gara ta desvia e leynan di proteccion di nos naturalesa y medio ambiente, lo ricibi un multa na momento di un infraccion.
66. Partido HTC lo delibera cu partido nan na hulanda cu tin experencia abase di medio ambiente, muy particularmente riba e aspecto di recicla. Partido HTC ta di opinion cu tur gobierno nan existente a negligencia e posicion di nos medio ambiente di nos pais Aruba, sabiendo cu solucion nan tabata den porta, sabiendo cu Union Europeo ta pone hopi placa disponibel pa e medio ambiente di nos pais Aruba. Aki nan nos como ciudadano di pais Aruba, por confirma e malversacion di nos politico nan tradicional existente. Partido HTC lo percursa a largo plaso y lo mehora e posicion di nos medio ambiente y reduci esaki na 40 pa 30 porciento.

Animal Rights(derecho di Animalnan):

67. Partido HTC lo atende severamente riba e leynan di proteccion di nos animalnan. Personanan cu comete cualquier negligencia of abuso contra di nos mascotanan lo ricibi un multa bastante halto cuminsando na Afl. 2500,= y e suma akinan por diferencia dependiendo e gravedad di e caso. Pa loke ta encera cachonan mester ta paden di cura y den un ambiente sano.

Medico:

68. Lo introduci un structura nobo riba cobertura medico, entre otro lo percursa pa tin un dokter di cas disponible den cada districto despues di orario di oficina. Tur ciudadano tin derecho ariba un bon cuida medico 24 ora pa dia.
69. Lo percursa pa e parti di hospital nobo wordo completamente restaura y drecha. Lo responsabilisa e contratista (nan) cua ricibi e projecto akinan. Alabes lo percursa pa un di 3 hospital den parti central di Aruba mirando cu populashon ta demasiado grandi pa solamente 2 hospital y esaki cu sosten di Hulanda.

70. Lo obliga tur dokter y specialista pa actualisa nan mes constantemente riba e tereno medico avansa.
71. Nos di HTC lo percua pa bin cu un Centro di Planta Natural(C.P.N.) cu lo ta engarga cu production di remedinan natural y distribui esaki na tur botica y hospitalnan.
72. Lo percua pa restructura, reorganisa e maneho di AZV completo pa cu su cobertura medico, mirando cu hopi remedi y casonan medico manera dentista y specialistanan cu no ta wordo cubri actualmente.
73. Tambe lo cambia e ley caminda dokternan, dentistanan y specialistanan local cua termina nan estudio afo, y cu actualmente no por habri nan mesun consultorio pa permiti nan e oportunidad aki.
74. Partido HTC ta duna sosten na cannabis medicinal, contal cu tin un bon maneho y control riba e aspecto aki. Loke ta trata cannabis recreacional Partido HTC lo laga esaki pa esnan cu kier profundisa nan mes riba e aspecto aki.

Politica:

75. Persecucion politico No lo wordo permiti mas na ningun director of trahador di gobierno “ambtenaar”, tampoco trahador priva. No lo permiti pa kita e ambtenaar for di trabou, paso cu e ta involvi of tin un preferencia politico.
76. HTC lo percua pa tur ciudadano cu ta biba den Reino Hulandes lo por haja acceso pa por aplica pa nan derecho di voto.
77. Partido HTC lo bay introduci un sistema di E-loket cu lo wordo establece den distrito nan di nos pais Aruba. E E-Loket aki lo bay eherce e funcion pa salvaguardia e derecho fundamental cu nos pueblo di Aruba tin riba e sector social, financiero, y cultural. Pueblo di Aruba lo por acudi na e E-loket nan aki, pa por aplica nan derecho pa ayudo riba e tema nan menciona. Di e forma aki e E-loket nan aki lo duna e sosten mayoritario na nos departamento ministerial cu ta maneha nos departamento social, financiero, y cultural.
78. Partido HTC, lo priminti pueblo cu na momento di haya sosten di nos pueblo di Aruba lo reviva y lo aplica e derecho fundamental relaciona cu Ley di Transparencia (W.O.B) Wet Openbaarheid van Bestuur. Partido HTC lo percua pa bin cu un mocion cu lo obliga cada ciudadano di pais Aruba pa ta transparente cu nan cuenta di banco internacionalmente, esaki ta conta pa muy particularmente pa e minister nan cu ta haci uso di cuenta bancario nan internacionalmente, cu tambe ta haci uso di tercer persona cu awe nos ta yama stroomman, pa maneha nan placa internacionalmente. Esun cu no duna cuenta di nan banco internacional lo wordo persigui penalmente.
79. Partido HTC ta di opinion cu na momento cu haya sosten di pueblo pa ta den parlamento, trece un nota di cambio conhuntamente cu un amienda pa elimina tur beneficio nan secundario di minister nan y parlamentario nan. Cu esaki Partido HTC ta referi su mes na telefoon toelage, auto toelage, overbrugstoelage etc.. etc...

Trafico, Transporte, Vivienda y Infraestructura:

80. Lo haci tur apuesto (bidding) di projectonan pa cu infraestructura publico y lo percua pa e anuncio ta publica na e 4 idioma oficialmente papia na Aruba.
81. HTC lo bai haci departamento di DIP mas transparente pa publico.
82. Transporte Publico, tur estudiante di menos recurso lo haja derecho riba transporte pa skol gratis.
83. Lo zorg pa cada bus tin un compliance officer pa mantene orden durante e transporte.

84. Lo introduci un projecto nobo jama “Studenten Studio” cu lo cay bou di FCCA su encargo. Esaki lo ser construi specialmente pa e grupo di hobennan cu ta studiando ainda of cu apenas a cunsa traha, cu tin e deseo di biba riba nan mes y cu no tin e manera financiero pa por cumpra un cas propio ainda. Nan lo por registra y hasi petishon pa huur un di e studie kamers nan aki na un prijs relativamente abou.

Structura Estatal

Partido HTC lo cuminsa cu un dialogo cu Reino Hulandes pa cuminsa restructuracion di nos actual Status Aparte. For di 1986, nos pais Aruba a drenta e fase aki cu lamentable no a beneficia nos pais Aruba. Na momento aki nos pais Aruba tin un debe enorme cu ta treciendo mas pobresa riba nos pais Aruba. Lamentablemente politiconan a probecha di e status aparte aki y a beneficia nan mes, nan amigo y famianan. Partido HTC lo cuminsa restructura e actual status aparte na un estado di derecho riba un nivel mas halto. Aki nan nos ta papia di un Status Territorium cu un constitucion restructura y cu un organo independiente cu lo fungi como inspeccion y arbitrahe. Cu e organo aki tur clase di corruption lo wordo preveni.

Partido HTC lo refleha e lucha di nos mayornan cu di ser cuidadano nan liber riba e baranca aki cu ta haci uso di nos derechonan fundamental pa por salvaguardia e derecho aki di nos future generacion. Status Territorium lo ta un estado di derecho cu lo beneficia tur miembro den nos Reino Hulandes.